

Nachem Fond vom Özi em Tirol chame sech ned entscheide
esch er Östricher Italiäner oder keis vo beide
bes schliessli en Böndner seit nach sim Körpermaas
esch das bestemmt en Urururururururäti vom Bischoff Haas

Sed de Name Moorechöpf d`Neger düeg diskriminiere
gets scho anderi Wese au wo afönd protestiere
do biist`mi doch en Hond es Bei chörzlech enere Knelle
debie han ich bem Beizer nor welle en Hot-Dog bstelle

För 2 Franke pro Minute chasch dech jetz lo verwöhne
chasch du loose wie Fraue es Telefon stöhne
doch Telefonrächtnig stiegt duesch vell am Hörer hange
esch emänt deswäge velecht de Werner K Rey pleite gange

Letsche Juni en Kolleg de hürotet för emmer
vor de Hochzitsnacht treit er sie Brut es Schlofzemmer
drofabe dänkt er weni jetz mi Frau ofs Näscht ue schleicke
chonts`re hoffentlech ned d`Senn das d`Fraue hötte streicke

E d`Schuelpfleg wählt`me z`Rinike neuerdengs Studänte
ond bem Fasnachtskomitee duet jetz e Frau regänte
ond als Dorffeschgeneral het`me eine welle
wo ned emol as rächte Ort s`Feschtsignet cha stelle

Am Dorffesch e Molde Wasser stoht obedroff hockt ein of`me Brätt
denäbe schüss`me Bäll of e Wand wo 2 Löcher iibout hät
trefft`me e Loch gets kontakt s`klenkt us de Brätterlade
em Staub sin Braniff het noni bränt esch er scho 3 mol goge bade

Das Jahr chani ändli mol de Gmeindamme lobe
well au er am Fesch esch ghockt of dem Sprongbrätt obe
du das esch wie be de Gmei seit de nass bes of d`Wade
well det muess au emmer ich alle Seich usbade

Nach 100. Jahr en Königssohn grette öber wyti Strecke
duet er s`Dornrösli met`eme Koss weder zom Läbe erwecke
wo fend`me äch de Königssohn ich tät das sogärn wösse
den de setti ombedengt choge de Hersche kösse

Bem letschte Nationalrotsträff seit de Blocher ganz gequält
schaad händ die em Aargau ned de Melchior Ehrler gwählt
de hättis gschafft de Puure zlieb wo emmer chrampfe e huffe
das eusi bsoffne Bondesröt statt Wy Melch müesste suffe

Bem Tuschplausch chörzli z`Rinike händ jetz müender lusche
die Alpine welle d`Schie vo Albertville cho tusche
ond händ de gseit of eusi Frog was deför den wette
jo am liebschte 10 so Riniker Fasnachtsgoldplagette

Kehrichtmanne mer müend jetz d`Sachgebühr do borge
dromm düend bitte nor no Säck wo e Marke händ entsorge
ond düend nömm vom Strosserand ich dröcke euch de Tuume
die neue Nähmaschiene ond die heiss Aesche verruume

Der Komedi⁹²

Wänd er me bsueche? Ich be dehei onder „www.komedi.ch“